

MAHATHIR - RAYA.

221

EMBARGO: UNTUK DISIARKAN SELEPAS PUKUL 9.30 MALAM MENJELANG HARI RAYA. HARAP PENGUMUMAN TARIKH HARI RAYA SEBELUM BERITA INI DIGUNAKAN

1982  
KUALA LUMPUR, (HARI RAYA PERTAMA) JULAI (BERNAMA) -- DATUK SERI DR. MAHATHIR MOHAMAD MENYERU SELURUH UMAT ISLAM SUPAYA BERSAMA-SAMA MENEGUHKAN AZAM UNTUK BERJUANG MENEBUS NASIB MALANG YANG MENIMPA UMAT ISLAM.

PERDANA MENTERI BERKATA PERJUANGAN UNTUK MENEBUSKAN MARUAH DAN WILAYAH ISLAM BUKAN TANGGUNGJAWAB ORANG PALESTIN SAHAJA TETAPI TANGGUNGJAWAB SELURUH UMMAH.

MENGUCAPKAN "SELAMAT HARI RAYA" KEPADA UMAT ISLAM DI MALAYSIA HARI INI, PERDANA MENTERI MENEGASKAN BAHAWA TANGGUNGJAWAB ITU BUKAN MEMERLUKAN SUARA YANG BERANI DAN LANTANG TETAPI PERSIAPAN DAN DISIPLINE YANG BETUL-BETUL BERKESAN.

KATANYA: "PERSIAPAN BERMAKNA MENGUASAI ILMU PEPERANGAN YANG SETIMPAL DENGAN CARA DAN ALAT YANG SESUAI DENGAN ZAMAN LEKTRONIK INI.

"SEBENARNYA YANG LEBIH PENTING IALAH KEBOLEHAN DAN KEMAMPUAN KITA SENDIRI DAN BUKANNYA PERTOLONGAN DARI KAWAN-RAKAN YANG BERKEPENTINGAN."

TAMBAH BELIAU YANG PENTING BUKAN SEMANGAT BERKOBAR-KOBAR YANG PANAS TAHI AYAM TETAPI DEDIKASI DAN AZAM YANG TINGGI DAN BERTERUSAN.

"TIDAK ADA MASALAH YANG TIDAK BOLEH DIATASI JIKA KITA MEM-PUNYAI AZAM YANG KUAT DAN JIKA KITA MENGGUNAKAN MASA DAN AKAL FIKIRAN UNTUK MEMBUAT PERSIAPANMSS TEGASNYA . -- LAGI 1335/MB

B520

MAHATHIR - RAYA 2 KUALA LUMPUR (EMBARGO HARI RAYA PERTAMA)

"JIKA KITA SANGGUP MENGAKUI KEBENARAN INI, SATU HARI NANTI KITA AKAN DAPAT MENEBUS KEMBALI MARUAH KITA, DAN AGAMA KITA. TETAPI, JIKA KITA MASIH LEKA DENGAN BERPOYA-POYA, DUNIA AKAN KETAWAKAN KITA."

DATUK SERI DR. MAHATHIR BERKATA SEBENARNYA PERJUANGAN MENEBUS MARUAH UMAT ISLAM DAN AGAMA ISLAM AKAN DIMENANGI DARI BILIK-BILIK KULIAH, DARI MAKMAL-MAKMAL DAN DARI KILANG-KILANG.

DARI TEMPAT ITULAH PERSIAPAN UNTUK PERJUANGAN PERLU DIBUAT DAN DI SITULAH NILAI TENTANG KESEDIAAN UMAT ISLAM AKAN DITENTUKAN.

"MEDAN PERANG ADALAH TEMPAT TERAKHIR BAGI MENCAPAI MAKSUD PERJUANGAN. CUMA MEREKA YANG KHAYAL SAHAJA YANG AKAN MEMIKIRKAN LAIN DARIPADA INI," TAMBAH BELIAU.

MENURUT BELIAU HIKMAT PUASA YANG HARUS MEMBAWA PERUBAHAN YANG BESAR KEPADA UMAT ISLAM MASIH BELUM MENCAPAI TARAFNYA SEBAGAIMANA YANG DIKEHENDAKI OLEH ISLAM.

UMAT ISLAM BELUM LAGI MENCAPAI KEMENANGAN YANG DIHARAPKAN DI-MANA MEREKA BERSATU-PADU DIBAWAH NAUNGAN PANJI-PANJI ISLAM UNTUK MEMBELA MARUAH DAN KEHORMATAN ISLAM DAN UMMAH. -- LAGI 1340/MB

MAHATHIR - RAYA 3 (EMBARGO)

KATANYA TAHUN INI SAJA MASJIDIL AGSA TELAH DICEMAR DENGAN PEMBUNYAN YANG DILAKUKAN DI DALAMNYA OLEH PIHAK YAHUDI DAN BARU-BARU INI ISRAEL JUGA TELAH MENCABUL KEDAULATAN LUBNAN HINGGAKAN BEGITU RAMAI MENJADI KORBAN.

UMAT ISLAM TERPAKSA MENGALAMI PERISTIWA SEDIH SEPERTI INI DENGAN BERPELUK TUBUH KERANA KITA TIDAK MAMPU MEMBUAT APA-APA YANG BERMAKNA.

ORANG ISLAM BANGGUP BERPERANG DENGAN ORANG ISLAM SEHINGGA SATU PIHAK MENCAPAI KEMENANGAN TETAPI BERHADAPAN DENGAN PENCABULAN OLEH BANGSA ISRAEL YANG CUMA TIGA JUTA, KITA KAKU DAN TIDAK MEMBUAT APA-APA YANG BERKESAN.

"YANG LEBIH MENYEDIHKAN IALAH MASIH ADA ORANG ISLAM YANG TIDAK SEDAR DENGAN NASIB YANG MENIMPA UMAT ISLAM DAN SUKA BERSENGKETA SESAMA SENDIRI." TEGASNYA.

DATUK SERI DR. MAHATHIR BERKATA KETIKA MENHAMBUT HARI RAYA, MEREKA HENDAKIAH INSAF BAHAWA RAMAI ANTARA SAUDARA-SAUDARA ISLAM MEREKA DI NEGARA-NEGARA LAIN YANG TIDAK DAPAT MERAYAKAN HARI KEBEGARAN AIDIL FITRI ITU. -- LAGI 1345/MB

B522

MAHATHIR - RAYA 4 KUALA LUMPUR (EMBARGO)

ADA YANG BERGELUMANG DENGAN DARAH DAN PEPERANGAN, ADA YANG DITINDAS DAN ADA YANG TIDAK BEBAS MENUNAIKAN IBADAT KEPADA ALLAH SUBHANAHU WATAALA.

SEGALA PERISTIWA SEDIH DAN PEDIH YANG MENIMPA UMAT ISLAM ADALAH PENGAJARAN BAGI MEREKA SEMUA, TAMBAH BELIAU SAMPING MENGEMUKAKAN SOAL APAKAH MEREKA FAHAM PENGAJARAN YANG TERDAPAT DALAM PERISTIWA-PERISTIWA ITU DAN MENJADIKANNYA PEDOMAN.

DATUK SERI DR. MAHATHIR BERKATA MEREKA SEHARUSNYA DAPAT MENGINSAF TENTANG DIRI MEREKA YANG SERBA LEMAH DAN KEKURANGAN DAN HARUS BERSYUKUR ATAS SEGALA RAHMAT DAN NIKMAT DARIPADA ALLAH.

'KITA HENDAKLAH MEMBUKTIKAN KEMENANGAN KITA SETELAH MELALUI SEBULAN RAMADAN DENGAN MENJADI MANUSIA YANG INSAF, BAIK DAN BERGUNA -- BAIK DAN BERGUNA KEPADA DIRI SENDIRI, KEPADA KELUARGA DAN SAHABAT DAN KEPADA MASYARAKAT DAN NEGARA MALAYSIA,' TAMBAHNYA.

KATANYA LAGI PUASA ADALAH BATU PERJUANGAN ATAU JIHAD BAGI UMAT ISLAM KERANA PUASA BUKAN SAHAJA BERERTI MENAHAN DIRI DARI LAPAR DAN DAHAGA BERTA DARI PERKARA-PERKARA LAIN YANG DILARANG KETIKA BERPUASA. -- LAGI 1350/MB

B523

MAHATHIR - RAYA 5 KUALA LUMPUR (EMBARGO)

IA JUGA MERUPAKAN PEPERANGAN MELAWAN DAN MENGAWAL HAWA NAFSU DENGAN BERSENJATAKAN IMAN, TAQWA DAN IBADAT. PERJUANGAN ITU BUKAN DENGAN NIAT DAN SEMANGAT SEMATA-MATA TETAPI DENGAN AMALAN, KESUNGGUHAN SERTA DISIPLIN.

DATUK SERI DR. MAHATHIR JUGA MENINGATKAN UMAT ISLAM TENTANG NIKMAT DAN KEBAHAGIAN HIDUP MEREKA DI NEGARA INI.

KATANYA KEBAHAGIAN HIDUP ORANG ISLAM DI NEGARA INI ADALAH BERASASKAN SIFAT TOLERANSI DALAM ISLAM DAN SIFAT INI AMAT PENGING DIAMALKAN KERANA KEHORMATAN YANG DITUNJUK KEPADA AGAMA ISLAM ADALAH BERGANTUNG KEPADA SIFAT DAN SIKAP YANG MULIA YANG MEREKA AMALKAN DALAM HUBUNGAN MEREKA DENGAN ORANG LAIN.

BELIAU MENEGASKAN BAHAWA KEADILAN ISLAM DALAM PEMERINTAHAN NEGARA INI ADALAH JELAS DAN NYATA.

'TIDAK ADA PERCUBAAN UNTUK MENINDAS ATAU MEMAKSA SESIAPA MENGIKUT DORONGAN HAWA NAFSU YANG BERSELINDUNG DI BELAKANG TAFSIRAN ISLAM YANG TIDAK BERASAS,' TEGASNYA.

KEPADA ORANG-ORANG BUKAN ISLAM, DATUK SERI DR. MAHATHIR MENJEMPUT MEREKA BERSAMA-SAMA BERGEMBIRA.

KATANYA MALAYSIA YANG BERBILANG KAUM MEMERLUKAN PERHUBUNGAN YANG BAIK DI ANTARA KAUM SUPAYA SEMUA DAPAT MENGECEP NIKMAT DARI KESTABILAN DAN KEMAKMURAN NEGARA INI. -- LAGI 1355/MB

MAHATHIR - RAYA 6 KUALA LUMPUR (EMBARGO)

HARI RAYA MERUPAKAN SATU PELUANG TERBAIK BAGI ORANG ISLAM DAN BUKAN ISLAM MENJALINKAN PERHUBUNGAN YANG MENGEKALKAN MALAYSIA DALAM AMAN DAN MAKMUR.

DATUK SERI DR. MAHATHIR JUGA MENGUCAPKAN SELAMAT HARI RAYA KEPADA MEREKA YANG MALANG KERANA TIDAK BERSAMA-SAMA SANAK SAUDARA, YANG TIDAK BERNASIB BAIK KERANA KURANG KEMAMPUAN DAN KEPADA YANG TERPAKSA BERTUGAS BERJAUHAN DARI ANAK-ISTERI KERANA MEMPERTAHAKAN NEGARA.

KATANYA: 'SEMUA INI TIDAK HARUS MENGHAMPAKAN KERANA HARI RAYA MELAMBANGKAN KEMENANGAN DAN TIDAK ADA KEMENANGAN TANPA PERJUANGAN.'

-- BERNAMA 1400/MB